

四庫全書

史部

欽定四庫全書

翰林記卷十五

明 黃佐 撰

齋詔用寶

國初置承勅監洪武九年以編修吳昇為承勅監令周孟東為監丞使以齋奉制敕為職尋罷之其後凡朝廷大禮頒詔天下本院官先撰詔文請旨裁定付中書舍人書寫尚寶司用寶畢行禮之日百官出承天門外肅候鴻臚寺官唱頒詔內閣官一員捧詔自奉天殿左門

入至華蓋殿候駕輿捧出至奉天殿授於禮部尚書其
他制敕用寶時或不同皆內閣臨時制宜取自上裁葉
盛云嘗見敕內閣楊學士蓋勤民之璽皇太后遺誥蓋
弘德昭順之寶皇后制書蓋厚載之記詔書制諭羣臣
誥命皆制誥之寶近年詔書蓋皇帝之寶云始於學士
李賢敕命敕諭皆敕命之寶又嘗見正統中手摺印本
敕諭蓋廣運之寶朝覲敕諭亦手摺印本蓋敬天勤民
之寶敕則蓋廣運之寶敕今皆謂敕書蓋手敕耳惟景

泰初敕諭亦蓋廣運之寶或曰以失守重造未成故爾遣
敕於外皆黃紙外封用三圖書其文曰丹符出驗四方
今則具有成規矣

上寶冊

凡上尊號尊謚皆本院撰擬寶冊文以進洪武初追尊
四廟為帝后學士陶安朱昇等捧冊文至御前上親受
之永樂初上太祖高皇帝孝慈高皇后謚議上親覽畢
親舉謚議付本院撰文及上謚冊一如洪武時天順二年

二月上聖烈慈壽皇太后尊號內閣捧寶冊文進上興親
覽畢乃行禮時詔告天下詔章已進訖大學士彭時謂
李賢曰此事前所未宜有宜有恩典及人賢曰先年已兩
赦矣恐數赦非宜時曰非赦也但行優老之政耳欲令
朝官父母年七十者與誥敕百姓年百歲者與冠帶是
所謂老吾老以及人之老也恩典如此斯與所上徽號
相稱矣賢曰善遂共擬仁政數條進呈上大悅即命行
之頒徽號詔畢上御文華殿召賢等三人者近前賜銀

兩表裏有差仍親自授與和顏慰勉其鼓舞臣下有如此蓋上尊謚尊號皆人君事親之禮儀冊既已躬親授受雖賞賚亦必親焉列聖之孝敬信乎度越千古也

扈從

凡車駕所在近侍諸臣皆扈從洪武中官無定員永樂六年定巡狩親征先詔告天下扈從用本院內閣官三員侍講修撰典簿等官六員書制敕秀才八人詳寫四裔文字監生十三人車駕將發燕羣臣賜扈從官軍人

等寶鈔會典云凡駕詣郊壇或巡狩行幸親征內閣官扈從制敕房官隨行書辦遇有敕旨即時撰寫永樂七年正月車駕巡北京學士胡廣諭德楊榮金幼孜及修撰王英等扈從賜綿衣狐裘鞍馬榮時有母喪特留之三月抵北京賜廣等宴榮辭以憂弗與特命中官以珍饌送之八年二月上親出塞征布尼雅實哩等三人仍扈從賜衣被鞍馬途次命光祿給酒饌七月車駕至驥駒河遣榮先歸報皇太子至京皇太子賜鈔幣金織麒麟

衣服銀鑲鏤花香帶及石刻蘭亭記兩賜宴於翰林命
隆平侯張信尚書蹇義欵待且命諸儒臣陪之八月抵
北京賜綵幣鈔米羊酒等物十月榮與廣等扈駕南還
賜鞍馬綿衣袴鞶及路費途中屢賜珍饌嘉果抵京賜
廣等鈔帛有差十一年正月復巡北京遂征北寇廣等
三人偕修撰王直梁潛扈從賜衣被鈔果等物十二年
三月親征瓦刺時皇孫侍行上命廣等三人凡行宮有
暇即與講析義理聞其聰明十四年復扈從南還賜廣

等綿衣鞍馬鈔幣十五年三月壬子車駕復巡北京三人者復扈從上屢問民情榮等悉以實對賜白金鈔幣金織紗羅綺絲衣服等物二十年二月上北征惟幼孜與侍讀王英扈從賜鞍馬鈔幣至濶寧兒海五月遂還英嘗奏事上喜謂曰秀才是二十八人讀書者朕需爾為用正好宣力勿憚勞苦今凡軍中一切動靜或謠言之類爾有所聞即來奏又諭太監孟驥曰秀才有事即令入見母沮二十年三月戊寅大學士楊榮金幼孜從

征沙漠賜米鈔鞍馬令榮等參預軍中幾務時召榮幼
致於御幄中同公侯大臣坐飲凡有賜賚或公侯不與
俱或與公侯俱而扈從文臣不與焉九月宴隨征將士
命榮幼致坐前列食上肴賜鈔幣并上品金織襲衣鞚
鞬二十一年七月榮扈從西征賜羊酒帳房等物八月
庚申駐師萬全一應軍務悉命榮掌之晝夜或三接五
接每以楊學士稱之不名十月次天成番主額森圖噶
納欵命榮往受之回賜御饌慰勞備至十一月旋師賜

鈔一萬貫米十石紵絲金織衣二襲靴襪二雙二十二
年復北征榮與幼孜扈從語見受顧命類宣德元年漢
庶人高煦反榮勸上親征遂與楊士奇從行討平之七
月駕還賜榮等鞍馬白金鈔幣及安樂州男女五十餘
人三年八月戊申車駕巡邊獨榮扈從九月癸丑給以
內廄良馬命榮先從出塞日賜御厨酒饌乙卯師次寬
河報捷丁巳駐蹕會州甲子班師五年二月乙未上侍
皇太后謁長陵大學士楊士奇楊榮等扈從庚子上以

皇太后命召見士奇等五人於行殿諭之曰皇帝數言
卿等忠勤今天下清寧民生無事是固祖宗福佑家國
亦惟卿等贊翼之功賜以酒殼及白金紵絲表裏辛丑
進詩謝恩三月己酉扈駕回京賜青紅瑣子駝褐九年
九月榮復扈車駕巡邊給以天閑名馬光祿日供酒饌
至洗馬林而還比還恩賚甚厚正統十四年七月北敵
也先入寇司禮監太監王振勸上親征車駕遂行內閣
學士曹鼐及侍讀學士張益等扈從賜賚如故事八月

遇敵于土木鎮鼐及益皆沒自後巡狩親征之事遂寢矣惟春正月有事于郊祀始扈從焉例賜御廚茶飯宣德四年正月丁巳大學士楊榮扈駕南郊賜金銀鮮果等物弘治十六年上往郊祀大學士李東陽等候駕畢宿神樂觀茶飯外有特賜者三蓋異數也東陽等為詩紀之正德十四年寧庶人宸濠反既就擒上猶南巡以親征為名自稱威武大將軍鎮國公朱壽大學士梁儲蔣冕扈從上用邊將江彬等言欲卜郊留都二人力諫

乃止十五年十月北還又按洪武八年十一月壬子上
命皇太子暨諸王往中都詔學士宋濂贊善孟益正字
桂彥良等從行洪熙元年正月命皇太子往祭皇陵孝
陵右春坊大學士兼侍讀學士曾棨左諭德兼侍讀周
述等從行則是東宮行幸亦有扈從矣洪武二十七年
三月命韓瀋二王往省秦晉燕周齊五府從官各一十
人用編修各一員則是諸王亦有扈從矣而會典不載

留守

永樂六年上將巡狩命尚書兼詹事蹇義金忠右春坊大學士黃淮左諭德楊士奇留守諭之曰朕留汝四人居守猶唐太宗簡輔弼監國必付房玄齡卿等宜識朕意又以幾務事繁復命修撰王直副之凡南京政務惟文武除拜四裔朝獻邊警言調發上請行在若祭祀賞罰一切之務有司具成式啓聞施行事竟則有司具本末奏達而已明年春車駕遂行十一月再巡狩命淮等與洗馬楊溥留守十二年逮淮詣北京下獄溥亦坐累十

五年春復巡北京留義與士竒居守以侍讀兼右贊善
梁潛副之會謀譖監國者事連潛十六年九月寘潛及
司諫周冕于法皆漢庶人為之也惟士竒始終以持重
免於咎每言監國之體以尊君順親為心皇太子嘉納
之及即位洪熙元年宣宗在東宮受命祀陵因留南京
監國舊學之臣曾棨輩皆從焉是年五月宮車晏駕少
傅楊士竒少保黃淮太子少傅楊榮佐鄭襄二王監國
而遣使迎宣宗宣德元年上親征漢藩淮以病不行留

佐鄭襄二王監國正統十四年七月上親征北敵命鄭
王居守每旦於闕左門西面受羣臣謁見朝政皆太監
金英佐理之留守者戶部尚書兼學士陳循工部右侍
郎兼侍講學士高穀也

迎駕

永樂八年七月車駕還自北征皇太子遣大學士黃淮
往迎至滁州獲朝見洪熙元年五月宣廟自南京入即
位大學士楊榮往迎於德州景泰元年八月十三日英

宗自北狩回鑾遣內閣學士許彬迎于宣府商輅迎候于居庸關十四日駕至上關輅進見英宗命輅草書二封達于皇太后及景帝十五日入居于南內正德十五年十月武宗南征凱旋駐通州者久之大學士楊廷和等出迓上戎服而入十六年三月大學士梁儲等迎今上於安陸州四月癸卯至自安陸州云

充使

凡天子皇太子及親王冠禮內閣官充賓贊昏禮充納

徵等使冊封諸王及妃內閣官充正使若冊封副使以本院官充者自成化末侍讀江瀾始也永樂洪熙宣德三朝冊封諸王及妃內閣楊榮金幼孜各充正使者自後內閣不復出使於外惟冠昏大禮則用舊規宣德三年三月癸未大學士楊榮奉命持節冊中宮禮成賜白金鈔幣此類不可勝紀若本院官因事出使者洪武三年五月遣編修蔡玄等訪歷代帝王陵寢永樂中修撰陳循被命往南京文淵閣取儲書之類是也

使外國

凡朝鮮安南國頒詔及冊封學士等官充正使禮部預具奏請待旨點用按洪武初侍讀學士張以寧使安南冊封未至而國王死國人請授其世子以寧不聽遣人請命于朝且教其世子服三年喪并令其國人效中國行頓首稽首禮朝廷嘉之賜以敕書比之陸賈馬援并御製詩八章以獎諭之於是復命編修王廉吏部主事林唐臣充弔祭使以往且封其世子陳日燦為王既至其

君臣出迎於郊議授受之禮往返數四不能決庶厲聲
呵之乃奉御製文於綵輿迎入成禮而還四年二月戊
午以寧等三人還自安南以寧卒于道日煙遣陪臣阮
汝亮偕庶來上表謝恩貢方物上即拜庶為工部員外
郎旌其勞也庶固辭不拜遂出丞澠池焉十二年十二
月壬戌遣編修羅復仁兵部主事張福齋詔諭安南占
城反復仁還擢弘文館學士永樂初遣待詔王延齡使
朝鮮行人王彬副之人賜紵絲衣一襲鈔二十五錠及

錦衣皮裘狐帽自後使二國者俱賜一品服其禮益隆
云安南自郡縣復為國正統中請封侍讀學士錢溥充
正使其王桀驁不恭授受迎拜皆不如禮溥以書累爭
之而後定承平久使外國者多治巨艦載重貨浮海與
其國為市或與陪臣賡和誇奇角捷以為才弘治初侍
講劉戩使安南考地志陸道南寧坦甚無虞乃乘肩輿
從兩僮忽抵其界尼人傾駭至之日頒詔明日燕燕畢
遂行餽贍一不顧追授諸途不與語獨書其入闈詩與

之曰歸裝有一南物者關神其殛諸後其陪臣入謝表
有廷臣清白之語當時莫不多戇正德初侍讀徐穆充
正使頒正朔于朝鮮及境譯告國王不郊候迎詔不道
跪穆援古義稽今制反覆辨析皆如議王屢遣陪臣代
質疑義穆剖析不遺凡所餽獻悉拒弗納人咸稱之六
年編修湛若水充安南冊封正使餉遺一無所視獨和
其王贈詩一章論者謂得體云

巡行

洪武元年八月命儒臣十人分行十道訪求賢哲隱逸之士于是學士詹同等往焉

攝行御史

洪武初上命編修王璉等攝行御史璉按河南入對稱旨上悅謂近臣曰文華堂諸生如璉等皆異日將相才也九年三月丙子以璉及編修馬亮任敬王憚陳敏張唯典籍王偁應奉殷哲侍儀使孫化秘書直長蕭韶贊讀闇裕起居注嚴鈍給事中方徵彭通宋善王惟吉十

六人為監察御史十年正月乙丑復命編修桑慎陳晟署監察御史二十九年二月甲午復以編修景清為監察御史尋署僉都御史其重憲職如此永樂末侍講李時勉修撰羅汝敬皆降監察御史是又與洪武時不同

分鎮要地

正統十四年八月景帝即位以上皇未復寇方內逼乃命侍講徐珵等十五人分鎮其地理得彰德餘人不可考或曰楊鼎王詢與焉珵即有貞也成化中修撰張頤

擢僉都御史巡撫居庸豈援此以為例與

代祀

凡祈告代祀多用本院儒臣正統乙丑浙江台寧等府民遭疫死甚衆上遣禮部侍郎兼侍講學士王英齋香幣往祀南鎮以禳民厲時浙間久旱英至紹興大雨水深二尺灌獻之夕雨止星見明日又大雨田野沾足人皆喜曰此侍郎雨也布政使孫原貞等陪祀請為御祭感應記刻石於廟而還景泰辛未夏不雨特遣侍講學

士劉鉉祀濟瀆成化甲辰陝西旱遣禮部左侍郎兼學士徐溥代祀中鎮西海河瀆諸神雨輒應丁酉朝廷用儒臣議追崇先聖禮樂遣學士王獻祭告闕里弘治己未六月孔廟災學士李傑奉詔祭告甲子閏四月孔廟重建落成復遣大學士李東陽祭告焉

陪祀分獻

凡郊祀五品以上官例得看牲次早復命陪祀皆與若分獻用文武大臣及近侍官二十四員太常寺請旨點

充故本院官自檢討以上皆與永樂中修撰馬鐸建言
國子監分獻十哲宜用翰林院官朝廷從之

讞獄

洪武十四年十月癸丑命法司論囚擬律奏問從翰林
院給事中及春坊正字司直郎會議平允然後覆奏論
決永樂二十二年十月丁巳大理寺奏決重囚仁宗召
大學士楊士奇楊榮金幼孜至榻前諭曰比歲法司濫
刑往往出于鍛鍊先帝嘗切戒之必會三學士同審正

統中侍講學士馬愉嘗奏讞獄終年不決者朝廷從之由是寃抑多申理然惜其未能復洪武之舊也

主宴

凡筵宴之賜資臣下者令大臣待之謂之主宴天順四年天下諸司官吏朝覲至京上召大學士李賢諭之曰黜陟之典亦當舉行賢對曰此祖宗舊制即敕吏部都察院退不職者數百人旌其才行超卓政績顯著者布政以下賈銓等十人賜以衣服楮幣禮部筵宴命賢及

吏部尚書王翹待宴以勵其衆正德以來武舉會武宴
例用內閣大臣一員主席兵部先期奏請

齋宿

凡郊祀洪武二十年定齋戒日期文武百官先沐浴更
衣本衙門宿歇次日聽誓戒致齋三日宗廟社稷亦致
齋三日惟不誓戒或朝廷祈禱亦如之所謂齋戒者不
飲酒不食葱韭薤蒜不問病不弔喪不理刑名不與妻
妾同處也成化丙申十二月十日禱雪致齋于翰林之

東署侍讀倪岳侍講程敏政修撰陸銳編修陸簡同宿
是夜雪大作遂用歐公禁體故事相與闡韻聯句以志
喜鈞竒競勝達旦弗能休前輩風致可想而知也而禱雪
致齋亦僅見於此

習儀

翰林舊不習儀以禮所自出故也成化十四年冬至有
新旨學士王獻而下俱與常參官赴朝天宮習儀至今
循之此恐當復成憲之舊不然與百司亡別矣

陵祀

洪武八年十月乙卯詔翰林院考定陵寢朔望節序祭祀之禮學士樂韶鳳等奏今擬每歲元旦清明七月望十月朔冬夏二至日用太牢其伏臘社每歲朔望日則用特羊祠祭署官行禮如節與朔望伏臘社同日則用節禮從之其後清明中元冬至祭祀列聖陵寢分遣勲戚大臣行禮本院官例用二員陪祭永樂元年太祖皇帝忌辰上率諸王奉先殿行禮畢仍率百官躬詣孝陵

致祭令近侍官於殿前行禮宣宗嘗奉皇太后謁長陵獻陵內閣大學士皆從焉自是乘輿無躬往者而本院官上陵陪祀例宿昌平學宮行館云始自成化戊戌近坊局等官亦與陵祀遵詔旨也

受顧命

永樂二十二年七月辛卯車駕至榆木川不豫召大學士楊榮等受遺命傳位皇太子遂崩榮等一遵古禮斂舍如度與太監馬雲等議曰六師去京師尚遠不宜發

喪宜上食奏事如常儀衆是之復條畫軍中事益嚴號
令人皆莫測時議者有欲假他事作敕用寶馳報者榮
曰先帝在稱敕今稱敕是詐也罪孰當之壬辰次雙峯
榮奉遺命馳訃皇太子八月甲辰至北京致大行皇帝
遺命而後以軍中所宜施行者陳之皇太子嘉歎賜以
白金鈔幣召吏部尚書蹇義使識之行將大用翊旦復
承命同義等議即位事宜榮首條民間不便二十餘事
上皆嘉納入詔條行之丁巳仁宗即位賜白金鈔幣已

未進太常寺卿仍兼前二職十二月加工部尚書仍兼
二職三俸俱支賜白金五十兩綵幣十表裏寶鈔二萬
貫白米二十石降敕獎諭酬勞也洪熙元年五月辛巳
仁宗崩六月庚戌宣宗即位宣德十年正月甲戌宣宗
崩壬午英宗即位受遺今皆莫考可齊雜記云天順甲
申正月朔日以後上不豫每日猶裁決萬幾如常至初
十以來疾大漸乃處置後事命太監牛玉執筆口使書
其一東宮即位過百日成昏其二定后妃名分其三命

勿以嬪御殉其四殯斂器服語意詳盡皆合天理當人
心書畢且命牛曰將去閣下看令為我潤色之既至臣
時等驚愕曰何至是牛曰上意亦謂事不可測且說下
不用何妨臣等欽誦畢皆歎曰所言闢大體非英明不
能及此而止殉事尤高出古今真盛德事也不須潤色
言畢時不覺淚下牛備以前言復命且曰彭時尤悲愴
上聞之亦隕涕已而曰且收着待我去後遵行次日牛
出道其詳因曰上英偉從來不墮淚今若此事可知矣

至十七日遂崩次日早儲皇披髮衣素出後右門召內閣學士李賢陳文暨時及文武執政大臣等至前言曰父皇已賓天爾等盡心輔佐我因泣下羣臣皆俯伏號泣良久皆起叩頭而退是日有旨命太監劉永誠夏時傳恭牛玉會昌侯孫繼宗懷寧侯孫鏗尚書王翹李賢年富馬昂侍郎陳文及時為議事官公同計議處置軍國重務遵宣德十年例也預者皆荷銀幣之賜燕對錄云弘治十八年五月聞上不豫初六日昧爽司禮監太

監戴義出左掖門宣內閣臣東陽先至頃之趣者六七
次臣健臣遷繼至乃同入趣者道相屬入乾清宮右門
由右階升殿入東戶轉西南右戶北行數步穿重幔上
仙橋又數步見御榻上著黃色便服坐榻中南面臣健
等叩頭上令近前者再既近榻又曰上來于是直叩榻
下上曰朕承祖宗大統在位十八年今年三十六歲乃
得此疾殆不能興故與先生每相見時上玉色發赤大
聲盛氣臣健等皆對曰陛下萬壽無疆偶爾違和暫須

調攝安得遽為此言上曰朕自知之亦有天命不可强也因呼水漱口掌御藥事太監張愈取金盃進水以青布拭舌勸上進藥不答愈曰再進此一服即無事矣上又曰朕為祖宗守法度不敢怠荒凡天下事先生每多費心我知道因執臣健手若將水訣者上又曰朕蒙皇考厚恩選張氏為皇后成化二十三年某月成昏至弘治三年九月二十四日生東宮今十五歲矣尚未選昏社稷事重可亟令禮部舉行皆應曰諾時司禮監太監

陳寃李榮蕭敬等以次畢至皆羅跪榻外上曰授遺旨
扶安李璋捧筆硯戴義就榻前書之上又曰東宮聰明
但年幼好逸樂先生每勤請他出來讀些書輔導他做
箇好人臣健等皆叩頭仰奏曰臣等敢不盡力上復加
慰諭而退是日雖在倉卒天語詳備累數百言不能悉
記而其重且大者如此臣健等出至後左門調旨傳禮
部行之戴義送出東角門而入越一夕而龍馭上賓矣
追念先皇帝簡任眷遇之恩顧托委付之意誠古帝王

所不及俯仰之間已如隔世扣地顛天無所逮及可勝
痛哉後東陽每遇五月七日孝宗皇帝忌辰作詩志痛
有曰曾上鑾坡侍玉堂朝衣親惹御袍香傳宣煖閣奉
門
天顏近奏事平臺中右
門
東午漏長化國有人悲短夢幽
都無地仰餘光從容顧命分明語一日傷心淚萬行又
曰六年揮淚泣遺弓萬國傷心此日同龍去鼎湖還
作雨馬嘶沙苑尚思風碧桃宴已歸天上玉几言猶似
夢中曾是白頭香案吏不須凝望朶雲紅

護葬

永樂二十二年十二月丁巳太宗皇帝葬長陵命大學士楊榮護喪事賜白金鈔幣宣德十年正月丁亥榮往相視山陵還稱旨復有白金鈔幣之賜六月戊申命護梓宮葬景陵賜白金一百兩紵絲十表裏鈔二十錠山陵畢復賜白金鈔幣十月辛亥命監立天壽山碑賜白金五十兩紵絲羅四表裏及上尊珍饌按宋宰相例充山陵使國朝惟屬之禮部護葬用勲戚啓玄宮視事例

用本院官二員若榮之護葬蓋內閣所僅見也

翰林記卷十五

欽定四庫全書

翰林記卷十六

明 黃佐 撰

車駕幸館閣

太宗皇帝初定內難四方之事方殷內閣七人者旦夕承顧問受旨退治職務且兼稽古纂述殆不虛寸晷上時步至閣中親閱其勞且視其所治無弗稱旨者乃喜必有厚賚或時至閣閱諸學士暨庶吉士應制詩文詰問評論以為樂宣德四年十月癸未車駕臨幸文淵閣

周視大學士楊榮等寓直之所命增益屋宇兼賜飲饌
器用榮等次日具表謝恩已而復至賜榮等詩各一章
及寶鈔酒饌學士李時勉等皆與焉七年某月駕過史
館有作併賦招隱之歌是時天氣清明聖心悅豫懷賢
覽古天趣之高見於吟詠侍讀學士錢習禮等迎謁俱
被賜賚其過史館六言詩云蕩蕩堯光四表巍巍舜德
重華祖考萬年垂統乾坤六合為家真聖王氣象也

車駕幸私第

洪武初編修羅復仁者上喜其誠樸車駕一日忽幸其私第復仁方操塗具完壁不虞上之至也呼妻以凳坐上上與語良久嘆息而去即命工部賜第城南門外尋以為弘文館學士及乞致仕從之賜以大布之衣謂曰表爾樸也宣德中上微行幸大學士楊士奇私第語在第八卷

賜讌

洪武中學士詹同宋濂等暨諸儒臣每燕見必賜燕日

以為常。水樂初萬壽聖節學士侍讌奉天殿近侍及修史官宴中左門若正旦元宵端午重陽冬至臘日等節序往往燕于禁庭皇后皇太子春秋節亦如之。若御三殿筵宴奏事於內閣學士尤隆至或有撤御筵玉食以遺其父母者十八年閏正月丙子命行在學士兼右庶子楊榮學士兼右諭德金幼孜並為文淵閣大學士兼學士特賜讌于禮部此陞擢賜讌之始也二十年九月己巳以榮與幼孜扈從之勞特命讌坐前列食上殼此

賞勞賜讌之始也宣德二年九月少傅楊士奇三載考
滿降勅獎諭賜宴于禮部此考滿賜宴之始也五年四
月丙申召大學士楊士奇楊榮等賜燕文華殿上親待
焉賜鈔一萬貫六年二月甲辰萬壽聖節賜士奇榮等
宴乙巳復賜宴內庭特賜詩一章褒嘉之此又出於特
恩者也八年七月丁丑吏部奏少傅楊榮滿三載上禮
之如士奇自後內閣大臣考滿遂為例正統以後萬壽
聖節皇太后千秋等節及節序本院官同羣臣通宴于

午門外而燕見奏事特恩賜燕者遂無聞焉若初開經筵及脩書進呈殿會試等燕俱有定規脩實錄成例宴于禮部獨水樂初宴于奉天門宣德五年宴于中府正統三年宴于西苑為不同云

賜飲饌

洪武三年二月學士宋濂待制兼編修王禕等奉詔預教大本堂每召對殿廷必賜坐久則賜飲膳禕一日在史局渴甚謂濂曰得昨上所賜梨漿飲之吾渴濟矣中

貴人竊聞之言于上即命齋賜之永樂五年五月學士
楊榮奉命往甘肅規畫軍務七月還京奏對武英殿上
大悅時盛暑命取瓜親剖賜之且遣中官賜以羊酒勅
使休息十一年十二月學士宋濂既致仕來朝以勑勞
之賜米酒十二年十二月復至賜亦如之十八年四月
丙辰上在西內圓殿特召都督薛祿尚書呂震李慶學
士楊榮金幼孜至殿外命坐賜食其羹糜蓋出於御前
調和珍異非常且復有上尊熟食酪漿櫻桃之賜所賜

上尊封識皆有墨印洞庭春色四字復用朱印篆書御
用二字以蓋其上蓋是時上嚮用勲戚侍從之臣多所
頒賚上尊珍饌無日不有此特其可紀者也宣宗初即
位召侍講學士王英入便殿謂曰洪武中學士有宋濂
吳沈朱善劉三吾水樂初則解縉胡廣俱有重名今汝
當講經史陳道義以啓沃朕心罔俾前人獨專其美賜
內醞及鈔千緝命入內閣參中秘自是英與曾棨王直
等屢被御酒珍饌之賜宣德二年十一月乙未皇太子

生大學士楊榮入見上親酌酒賜榮飲仍賜白金鈔幣
銕金器十二月召榮等至東苑訪政務賜酒饌銀鑲椰
桺二年二月辛酉賜同遊萬歲山諸臣椰子各一枚七
月辛酉遊內苑賜以金銀繡幣玉杯酒饌等物蓋自是
同遊禁苑所至必有飲饌之賜殆不可盡紀四年八月
賜楊榮等枸杞湯令中官吳誠諭旨曰服此可以延年
益壽可以祛諸疾正統以後莫考惟丁巳臘月望後大
雪三日聖情悅憚賜大學士楊溥等黃封內珍成化中

憲宗一日於內庫得古帖斷爛不可讀命中使持至內館使理之適檢討傅瀚在直次為韻語須臾而成授中使以復上大悅有珍饌法酒之賜

賜冠帶衣服器用

洪武十四年三月賜本院官羅衣各一襲尋以儒士董倫為右贊善賜以冠帶又賜侍書楊崧等襲衣靴鞶二十三年以四川永川縣知縣王佐為侍讀賜衣及靴鞶是年高麗貢玳瑁筆分賜學士劉三吾侍講學士葛均

等二十九年六月癸卯以編修張顯宗為太常寺丞左
僉都御史辛彥德為詹事各賜衣一襲三十年賜學士
宋訥衣帽壬午六月賜內閣七人金織羅衣永樂二年
九月上召內閣七人謂曰朕即位以來爾朝夕在左右
敬慎弗懈然恒情保初易保終難朕常思保全之道爾
亦宜益謹厥終庶兩盡其美皆曰臣等猥蒙委任敢不
勉圖報稱上大悅賜象笏幞頭公服尋賜二品金織綺
絲衣七人者入謝直言恩禮太過上曰卿在朕左右幾

務所屬贊翊之功不在尚書下故特賜二品服以示旌異豈為過哉三年自正月至于九月時召七人者評議諸司事宜稱旨賜二品金織紗羅衣自是勞賞出使扈從多賜襲衣有差十八年復賜榮等二品金織襲衣靴鞍是冬連賜士奇榮等織金紵絲表裏鈔米柴炭等物其後多密加賞賚他人弗與焉十九年四月辛丑賜榮銀酒鍾古銅器各一鈔千錠酌其護救圖籍之勞也事見第十二卷宣德初內閣學士楊士奇楊榮等被賜玉

帶瑪瑙鶴頂龜筒琥珀花犀合香諸帶及龍骨等繫腰
皮裘黑貂銀鼠帽少詹事兼侍讀學士曾棨王直賜寶
帶少詹事兼侍讀學士王英賜金鑲琥珀麒麟帶各有
差或有五品賜金帶者七年十一月丙寅皇太子春秋
節賜內閣綵繡麒麟襲衣十年十一月丁丑以聖節賜
內閣綵繡雲鶴襲衣寶帶本院官各有差自是以為常
正統初賜大學士楊士奇金織紗羅襲衣金鑲玳瑁等
帶大婚禮成賜學士錢習禮等紗衣紗帽金鑲香帶有

差二年六月己巳賜內閣錦繡雲鶴紗衣十一月辛巳
賜金織綺絲襲衣天順中賜大學士李賢陳文等玉帶
通政司參議兼學士呂原等金帶暨玉杯梭服貂帽之
賚歲無虛月成化中學士王獻掌院事賜金帶侍讀學
士彭華攝詹事府事亦賜金帶故事學士非典密務侍
日請者不與是賜益異數也正德四年吏部左侍郎兼
學士白錢賜玉帶尤前此所未有者

賜鈔幣羊酒

聖祖最慎於賞必有功勞者乃賚以鈔幣之屬惟文學
近侍多有匪頒洪武初學士宋濂等恒受是賜十六年
正月以右贊善董倫為左春坊大學士賜文綺六疋鈔
五十錠十七年三月賜學士宋訥文綺帛各二疋鈔十
錠尋又賜訥子安鈔十錠二十九年三月賜本院官人
各高麗布一疋永樂初內閣解縉等七人者嘗拜鈔帛
之賜六年正月賜綵幣白金鈔米七年七月楊榮議事
歸自甘肅賜米鈔十一月復還自甘州復命陳邊境便

宜十事上嘉納之賜以襲衣鈔幣宣德元年以後大學士楊士奇等議事稱旨屢賜白金文綺鈔幣四年九月甲辰朔賜內閣白金珍珠鈔幣白磁器蘇合香丸等物十二月朔霜寒甚上命光祿賜在廷文臣侍讀學士錢習禮等羊酒以禦其寒曰皇祖考在位每旦常有賜今朕多事忘之汝勿忘辛巳賜內閣白金鈔幣羊酒等物四年七月大學士曾棨顧問稱旨屢賜白金文綺鈔幣使直文淵閣五年正月賜內閣大學士人各鈔一萬貫并

猪羊海魚等物四月丁巳皇太后千秋節賜內閣大學士人各鈔三貫正統元年三月賜讀卷官羊酒遂以為常其後惟內閣考滿賞勞問疾給假遣中官以鈔幣羊酒賚之而五年二月丙戌楊榮以展墓行賜白金綺絲鈔幣及上尊羊豕諸饌稱是且命內侍阮江伴行最為盛典

賜藥餌

洪武中編修王翬患頭風上賜所御藥酒飲之而愈壬

午六月太宗賜解縉等七人香藥水樂四年二月諭德
楊榮得寒疾不能造朝上聞之亟遣中官偕御醫蔣用
文視之還奏賜藥物且命用文守視時時奏報至痊乃
已及榮入謝上慰賚之仍令休息旬餘乃出學士黃淮
留守以疾在告仁宗為太子亦遣中官偕用文賚藥視
之手書畧曰卿其勉進藥食蚤獲安康以慰予懷侍讀
學士王直侍上東宮嘗賜扇及藥正統九年二月楊士
奇疾賜醫藥寶鈔酒饌及璽書慰之成化初大學士李

賢疾上遣中官偕醫賜藥餌所以問慰之者甚厚五年至十一年大學士彭時累以病在告上輒命醫視疾遣內臣致猪羊鷄鵝酒米之賜并賚以藥餌踰月不出則必再遣焉弘治五年五月大學士丘濬以目疾辭位上遣醫賜藥詔今後凡大風雨雪俱免早朝七年十月又辭詔痊可之日免朝參進來辦事使就醫藥其後大學士謝遷等稍有疾輒遣醫饋藥候問之使相踵於道

賜居第

太祖太宗時嘗賚近侍以居第如羅復仁輩見前卷宣德中楊溥有賜第在東安門外天順元年冬賜大學士李賢甲第一區賢上章懇辭上曰聞卿舊宅去朝頗遠特賜近居以便宣召所辭不允遷居之後上及皇太子皆有落成之賚按洪熙元年二月賜楊士奇田二頃懇辭許之則是先朝厚賚非特居第而已

賜宸翰

吳元年上聞侍講學士朱升家構書樓成御書梅花初

月樓五大字以寵之而宋濂等嘗拜宸翰之賜尤多洪
武三十一年七月御書怡老堂三大字賜禮部侍郎兼
學士董倫并髹几玉鳩杖各一倫具表謝恩宣德初上
睿親御翰墨作春山竹石牧牛三圖題詩其上以賜大
學士楊榮并賜端硯御用筆墨及白磁酒器茶鍾瓦罐
香爐之類侍讀沈粲嘗獲賜御筆竹菊圖則是時近侍
霑賜者不止一二人也

賜御製詩文

洪武六年五月戊辰上御武樓學士承旨詹同備顧問
因及於竹同謂晉戴凱之所譜至五十餘種惟吳越山
中有方竹可為筇若有虧隅不可犯之色因以一枝進
於是親御翰墨草方竹記一通始言品物之夥中序格
致之難及其末也謂同為人俊偉氣象且以豪俊稱之
同趨拜稱謝上笑曰卿頭童齒豁矣何以謝學士宋濂
嘗獲賜醉學士楚辭一章黃馬白馬等歌而本院官與
賜者如張美和輩尤不可盡記畧見前卷仁宗在東宮

喜為詩文贊善王汝玉徐善述梁潛等多被賜宣德初
內閣大學士楊士奇等恒賜詩章七年七月屢賜御製
祖德詩招隱歌猗蘭標九年七月南京禮部尚書張英
迎復入見上特書製詩詞并縉錢二千縉賜之英退陳
於堂語人曰此吾稽古之力也大學士楊士奇黃淮等
被賜尤多其後列聖多用故事製表詩章以寵詞臣正德
初賜御製寫懷等詩及蟠龍諸詩然未敢必其果出於
宸衷也今載祖宗御製數章於此直所謂昭回之光下

飾萬物者用以侈詞林之榮云洪武八年七日午時書
賜醉贊善大夫宋濂西風颯颯兮金張特會儒臣兮舉
觴目蒼柳兮裊嫋閑澄江兮水洋洋為斯悅而再酌弄
清波兮流光玉海盈而馨透泛瓊筭兮銀漿宋生微飲
兮蚤醉忽周旋兮步趨蹠蹠美秋景兮共樂但有益於
彼兮何傷永樂中冬至仁宗時監國賜贊善徐好古清
朝盛文治輔德資儒者念彼筋力倦趨朝諒非宜賦詩
有佳致納誨多良規起予得深趣歡懷浩無涯新陽屆

初復况此承平時酌勞見樽酒庶以勞期頤宣德五年
御製贈大學士致仕黃淮歸永嘉天香蚤折仙桂枝筆
花五綵開鳳池蓬萊芝山直金璧近侍九重天咫尺永
樂聖人臨御初鞠躬稽首陳嘉謨仁皇監國文華殿左
右謀猷共羣彥朕承大寶君萬方相與共理資賢良傾
心寫情任舊老而鄉引疾先還鄉五歷星霜復相見霜
鬢蕭蕭秋滿面是時朝旭光升紫殿明相對清言良慰
情留之累月未盡意歸心又欲東南行太液清冷涵碧

藻楊柳芙蓉相映好鳬鷺鷗鷺弄澄波紫霧紅雲拂瓊島芳殼在俎酒在壺工歌鹿鳴續白駒君臣大義士所重心須廷闈身江湖鴈蕩峯高青不極中有謝公舊遊迹採芝斲苓可長年應在天南憶天北九年十一月甲戌朔御製詩歌賜大學士楊榮武夷魏穀青插天建溪碧水相連延扶輿旁礴之所產往昔奮起多名賢只今繼續揚華芬漢清白吏有遠孫明經策第登詞垣皇祖承天御天下竭職論思靡餘暇懷忠秉誠復堅貞臨事果達

智識明禁中頗牧材卓犖風雲驥足千里輕顧予菲德
嗣天位旰食宵衣急圖治普天之下率土之濱安危休
戚繫于一人大厦之興藉梁柱為邦必資輔弼臣卿事
文祖兼仁考歷年固多身未老方茲倚重傳與保士有
大抱負堯舜其君民勗哉弼違補闕輔吾仁齊芳昔賢
耀千春

賜門帖

吳元年陶安為學士凡國家制度禮文之事多所擬定

御製門帖賜之曰國朝謀畧無雙士翰苑文章第一家

賜圖書

永樂二十二年九月仁宗命範白金為圖書四枚其文曰繩愆糾繆以賜師傅五人尚書兼詹事蹇義尚書夏原吉大學士楊士竒楊榮金幼孜也而榮與幼孜同受其一上諭之曰朕有過舉卿即具疏用此封識進來蓋責望臣輔之切如此士竒連上五章皆見嘉納洪熙元年四月有進言太平之政者上召義等以其章示之且

謂曰去年各與繩愆糾繆圖書蹇三人皆無一言豈朝政果皆無闕生民果皆安乎三人皆頓首有慙色既退復召義諭曰爾與士奇吾監國舊輔事有未當皆須直言勿有疑諱後又朝退召義與士奇至奉天殿出二敕二印賜二人義得忠貞印士奇得貞一印諭曰使後世知吾三人同心一誠也敕皆加獎二人皆拜受而退宣德二年二月上御文華殿召大學士楊榮賜以鍍金銀圖書五曰方直剛正曰忠孝流芳曰關西後裔曰建安

楊榮曰楊氏勉仁而楊士奇所得者曰清方貞靖云

賜書籍翰墨

洪武八年三月上御乾清宮召學士宋濂問前御史中丞劉基行期在何日蓋基時告歸故也因扣其詳步出宮門濂從後至丹墀上忽顧內使張淵曰汝往取新刊文集一部賜濂濂叩頭謝訖淵引至典禮紀察司與司副李彬言記濂氏名于籍始頒授焉時受賜者惟太師李善長右丞相胡惟庸及濂三人而已永樂十三年七

月學士楊士奇等侍文華殿上出趙孟頫所書滕王閣序賜之其後列聖每刊刻書籍成必頒於大臣惟景泰二年賜修撰柯潛五倫書及五經四書成化二年十月賜本院官人各貞觀政要一部為異數餘不能悉計然記聖祖賜宋濂事獨詳者以見國初君臣相與之情藹然無間如此也

賜遊觀

永樂七年三月車駕至京命學士胡廣諭德楊榮金幼

致修撰王英等從遊萬歲山榮以母憂辭弗與特召之行皆賜賚之宣德三年十二月大學士楊榮等扈駕兩遊南海子賜羊酒及鈔八年四月二十六日上以時清氣和特命勲舊輔導文學之臣遊西苑翰林惟少傅楊士奇楊榮少詹事王英王直侍讀學士李時勉錢習禮時少保黃淮來自退休與焉自成國公朱勇而下凡十五人敕中官導自西安門入聽乘輿馬及太液池而步遂得同覽竒勝首至新構圓殿殿臨太液池池之中多

嘉魚殿之左右多名花東去數十步又有嘉菜奇果上
每躬自採摘以奉聖母皇太后甘旨繼至清暑殿此亦
奉聖母遊覽之所規制宏敞巧妙天然花木森鬱實非
世間所有既而登萬歲山池水環之如璧磴道逶迤奇
石森列千形萬狀莫可備述山之中有三殿正曰仁智
左曰介福右曰延和稍上則有玉虹金露方壺瀛洲四
亭而廣寒殿在其頂瑤臺玉砌畫棟雕甍蒼松翠柏盤
鬱垂蔭恍然如在蓬萊仙境也良久退坐山下勑賜內

庖酒饌皆珍竒之品莫不醉飽而歸榮記其詳如此學士楊溥嘗得賜觀九龍池其詳莫考可齊雜記云天順己卯四月六日有旨賜諸大臣遊西苑命中貴人引大學士李賢吏部尚書王翹與時等數人往苑在宮垣西中有太液池周十餘里池中架橋梁以通往來橋東為圓臺臺上為圓殿殿前有古松數株其北即萬歲山山皆太湖石堆成上有殿亭六七所最高處乃廣寒殿也池西南又有一山如之最高處為鏡殿此皆金元時所

造其餘殿亭皆今制而西稍南曰南臺則宣廟常幸處
也是日賜宴於此皆霑醉而歸或有醉失儀者而學士
李紹執禮逾恭時與賢皆記其事明年如之又明年亦
如之又云是年七月賜尚書王翹馬昂并內閣學士三
人遊南城中有宮殿樓閣十餘所此宣廟與上遊幸處
也是秋新作行殿一所東為蒼龍門南為丹鳳門中為
龍德殿左右曰崇仁廣智殿之北有橋橋皆白石雕水
族於其上南北有飛虹戴鰲二牌樓東西有天光雲影

二亭又北疊石為山曰秀巖山上有圓殿曰乾運其東西二亭曰凌雲御風山後為佳麗門又後為永明殿最後為圓亭引流水繞之曰環碧移植花木青翠蔚然如夙成者既畢工乃命時與學士李賢呂原往觀焉受命頒行者太監裴當也宴畢乃回南城即東苑見前卷

賜觀燈

永樂十八年正月甲寅元宵節上御午門觀燈賜百官宴并示御製詩學士胡廣楊榮等奉和以進上覽而悅

之賜以羊酒鈔幣自是車駕駐兩京皆賜觀燈于午門
以為例宣德三年正月戊戌元宵節賜文武大臣觀燈
於萬歲山命中官侍宴學士楊榮進元宵賦賞鈔三千
貫侍讀錢習禮等賦詩以進咸賜鈔有差五年正月丙
辰元旦大學士楊士奇等奉命觀燈於萬歲山賜宴各
以詩進賞鈔各六千錠七年正月乙亥元宵節賜觀燈
於內苑仍賜內閣白金綵幣遣中官送于其第蓋自宣
宗即位以來凡遇時節必賜侍臣以詩章及內醞珍羞

果而元宵為尤盛云英憲二朝尚或舉行成化十一年侍講程敏政元夕觀燈應制詩有曰五朝故事傳來久樂與民同上元酒想像先皇得衆心尚有燈詞播人口則是英廟曾製燈詞也

賜觀擊毬射柳

太宗朝端午賜觀擊毬射柳宣宗時踵行之學士楊榮等咸以詩詞進宣德四年端午賜扇及五色長命縷繫腰等物榮復為詩識之自天順辛巳迄成化戊子凡遇

端午輒賜牙骨聚扇上有御製清暑歌解悵歌及諸家
繪畫金織扇袋五色圓壽絲縷虎頭條畫艾虎學士柯
潛等受賜多為詩以志其榮焉而所謂毬射之戲漸不
復舉豈走驃騎即其流耶

賜重陽宴物

宣德四年重陽節賜宴及御製詩一章七年亦如之仍
賚以內醞珍羞大學士楊士奇等皆識其事

賜冬至臘日衣被

冬至臘日例賜衣被宣德二年臘日賜內閣繡衣各二
襲此尤異數也

賜觀走驃騎

天順三年三月五日賜文武觀走驃騎于後苑其制一人馳馬執旗引于前一人馳馬繼出呈藝于馬上或上或下或左或右騰擲趨捷人馬相得如此者數百騎後至乃為番服臂鷹走犬圍獵狀終場俗名曰走解而不知所自始豈金元之遺俗歟今歲一舉之蓋以訓武也

觀畢賜宴于回廊大學士彭時識其事如此

賜校獵獐兔

天順二年十月十日扈駕校獵南海子海子距城南二十里方百六十里闢四門繚以崇墉中有水泉三處獐鹿雉兔不可計籍海戶千餘家守視每獵則海戶合圍縱騎士馳騎于中亦所以訓武也是日扈從官皆蒙領賜獐兔而內閣李賢等三人比諸人差厚云

賜觀閱騎射

天順三年十月二十一日上御西苑閱將臣騎射召大學士李賢彭時等侍是日所閱皆侯伯都督都指揮隸三營把總管操者總兵官會昌侯孫繼宗廣寧侯劉安懷寧伯孫鏗都督趙輔具名籍進呈令逐一騎馬射箭以三箭為率上親按籍記中否有中二箭者中一箭者其中有不中而引弓發矢可觀者比中例試畢賜鈔有差而總兵暨賢等五人各賜鈔一千貫十二月閱御馬監勇士騎射亦如之先次有二三人畏避不赴者罪黜

之自是將士咸感德畏威知所奮勵云

賜姓名

洪武九年三月癸未以火爾赤為翰林蒙古編脩賜姓名曰霍莊水樂十六年三月上策會試士以李馬為進士第一御筆賜名駢臚傳三唱無敢應者上曰即李馬也乃出受詔二十二年三月上策進士內閣奏以孫曰恭為狀元上以曰恭名近暴字乃擢邢寬第一而改邢為刑志仁愛也寬後復之

賜賞功金牌

正德五年寧夏平賜內閣大學士賞功金牌而詹事府
事學士白錢暨日講官皆預焉前此所未有也



欽定四庫全書

史部

翰林記卷

十七至二十

詳校官太常寺少卿臣陳桂森
編修臣程嘉謨覆勘

總核官原任中允臣王燕緒

校對官編修臣王嘉曾

謄錄監生臣許蔭培

欽定四庫全書

翰林記卷十七

明 黃佐 撰

正官題名

學士

陶安

主敬直隸當塗人吳元年由
耆儒任終行中書省參政

宋濂

景濂浙江金華人洪武二年
由起居注升任終學士承旨

宋訥

時敏直隸滑縣人洪武十
三年由助教陞任終祭酒

劉三吾

名如孫以字行湖廣茶陵人
由徵士洪武二十一年任

董倫安常北平宛平人由儒士洪武三十一年以禮部侍郎兼

王景景彰浙江松陽人由貢士永樂元年任

解縉大紳江西吉水人洪武戊辰庶吉士永樂二年任

胡廣光第一永樂十年以大學士兼

金幼孜名善以字行江西新淦人進士永樂十四年四月任終少師

楊榮勉仁福建安人庚辰進士第

黃淮宗豫浙江永嘉人進士永樂十二年任兼右春坊大學士

楊士奇名寓以字行江西泰和人儒士永樂十五年二月任終少師

楊溥

弘濟湖廣江陵人進士永樂二十二年任後陞太常卿兼

沈度

民則直隸華亭人由楷書永樂中任惟食祿不視事

李時勉

名懋以字行江西吉水人甲申庶吉士宣德中任

錢習禮

名幹以字行江西吉水人永樂辛卯庶吉士終侍郎

蘭從善

有恒河南磁州人癸酉貢由教授陞宣德中任

王一寧

一寧浙江仙居人戊戌進士景泰元年以侍郎兼

陳循

德遵江西吉安人乙未進士第
一正統十年以戶部尚書兼

苗衷

秉彝直隸定遠人辛卯進士第二景泰元年以侍郎兼

曹鼎直隸寧晉人癸丑進士第
一正統十四年以侍郎兼

蕭磁孟勤江西泰和人丁未庶
吉士景泰元年以祭酒兼

江淵時用四川江津人庚戌庶
吉士正統十四年以侍郎兼

王文直隸東鹿人進士都御
史景泰四年兼終少師

商輅弘載浙江淳安人乙丑進士第一
景泰元年任成化三年以侍郎兼

李賢原德河南南陽人進士吏部
侍郎天順元年兼終少師

徐有貞元之直隸吳縣人癸丑庶
吉士都御史天順元年兼

許彬道中山東寧陽人乙未庶吉
士天順元年以禮部侍郎兼

薛瑄

德溫山西蒲州人進士大理寺卿天順元年兼終侍郎

陳文

安簡江西廬陵人丙辰進士第二天順中任終少師

林文

恒簡福建莆田人宣德庚戌進士第三天順中任

李紹

克述江西安福人宣德癸丑庶吉士天順中任

黃諫

廷臣陝西蘭縣人壬戌進士第三天順二年任

彭時

純道江西安福人戊辰進士第一天順元年十二月以太常寺少卿兼

呂原

逢原浙江秀水人壬戌進士第二天順元年任

劉定之

主靜江西永新人丙辰進士第一成化三年八月以侍郎兼

柯潛

孟時福建莆田人辛未進士第
一成化三年八月以少詹事兼

萬安

循吉四川眉州人辛未庶吉士成化中任

王獻

惟臣浙江仁和人辛未庶吉士成化八年任

謝一夔

大韶江西新建人庚辰進士第一

丘濬

仲深廣東瓊山人甲戌庶吉士

徐溥

時用直隸宜興人甲戌進士第二

尹直

正言江西泰和人甲戌庶吉士

劉健

希賢河南洛陽人庚戌庶吉士

汪諧

伯諧浙江仁和人庚戌庶吉士

張元禎

廷祥江西南昌人庚戌庶吉士

程敏政

克勤直隸休寧人河間原博直隸長洲人

吳寬

壬戌進士第一

劉機

衡仲順天大興人戊戌庶吉士

江瀾

文瀾浙江仁和人戊戌庶吉士

楊廷和

介夫四川新都人戊戌庶吉士

梁儲

叔厚廣東順德人戊戌進士

劉忠

司直河南陳留人

白鉞

秉德直隸南宮人
甲戌進士第二

張芮

文鄉山西河東運
司人戊戌庶吉士

靳貴

充道直隸丹徒人
庚戌進士第三

蔣冕

敬之廣西全州人
丁未庶吉士

劉春

仁仲四川巴縣人
丁未進士第二

毛紀

維之山東掖縣人
丁未庶吉士

石珪

邦彥直隸藁城人
丁未庶吉士

毛澄

憲清直隸太倉州人癸丑進士第一

按天順元年以太常少卿兼侍讀劉儀掌院事二年以尚寶司卿兼侍講李紹掌院事與永樂中祭酒胡儀署院事皆不書者以非學士故事

侍讀學士

詹同

同文直隸休寧人洪武初任終學士承旨兼吏部尚書

秦裕伯

直隸大名人元進士洪武中任

魏觀

杞山湖廣蒲圻人元末仕偽漢洪武中任終蘇州府知府

解縉

見前

金問

直隸吳縣人由楷書永樂中任終禮部右侍郎

曾棨

子啓江西吉安人永樂甲申進士第一十五年六月由侍講陞

苗衷

見前

王直

行儉江西泰和人永樂甲申庶吉士終吏部尚書

李時勉

見前

錢習禮

見前

王達

達善直隸無錫人明經永樂中由助教編修升任

陳詢

汝同直隸華亭人永樂中進士終國子祭酒

劉鉉

公器直隸常州人貢士歷中書舍人正統中任終少詹事

陳循

見前

呂原

天順元年十二月任餘見前

張益

士謙應天江寧人乙未庶吉士中書舍人升任沒於主事

錢溥

原博直隸華亭人進士楷書正統中傳奉檢討天順元年任

倪謙

克讓應天人正統己未進士第三天順元年任

劉定之

天順中任餘見前

周洪謨

堯佐四川長寧人正統乙丑進士第二成化元年十二月任

吳節

與儉江西安福人宣德癸丑吉士成化三年以太常兼任

劉吉

祐之直隸博野人正統戊辰庶吉士

陳鑑

緝熙直隸吳縣人正統戊辰進士第二成化五年八月任

江朝宗

東之四川巴縣人正統戊辰庶吉士

彭華

彥賓江西安福人景泰甲戌庶吉士

傅瀚

曰川江西新淦人天順甲申庶吉士

楊守陳

惟新浙江鄞縣人景泰辛未庶吉士

王獻

見前

費闇

廷言直隸丹徒人
成化乙丑庶吉士

李傑

世賢直隸常熟人
成化丙戌庶吉士

李東陽

賓之湖廣茶陵人
天順甲申庶吉士

王鏊

濟之直隸吳縣人
乙未進士第三

吳儼

克溫直隸宜興人
丁未庶吉士

徐穆

舜和江西吉水人
癸丑進士第三

蔣冕

見前

顧清士廉直隸華亭人癸丑庶吉士

朱希周懋忠直隸崑山人丙戌進士第一

侍講學士

朱升公升直隸休寧人國初以耆儒任

潘廷堅升聞直隸當塗人者儒洪武初任

危素大樸江西金谿人元學士承旨洪武初任兼弘文館學士

王時洪武初由元學士任

樂韶鳳致和直隸全椒人洪武初以兵部尚書任終祭酒

張以寧

志道福建古田人洪武初由元學士任

李翀

葛均

俱洪武十六年二月任

高巽

志名遜志直隸蕭縣人儒士洪武末任兼太常少卿

武周文

直隸慶都人儒士永樂初任

王英

時彥江西金谿人永樂甲申庶吉士終禮部尚書

曾鶴齡

延年江西泰和人永樂辛丑進士第一正統中任

沈度

前見

劉鉉

見前

陳循

見前

蔣驥良德浙江錢塘人洪武末進士

行人改升侍講終禮部侍郎

馬愉性和山東臨朐人宣德丁未進士第一終侍郎

高穀世用直隸興化人

永樂乙未庶吉士

苗衷見前

李泰文通直隸香河人

正統戊辰庶吉士

呂原見前

焦芳孟陽河南泌陽人甲申庶吉士

劉珝叔溫山東壽光人戊辰庶吉士

丘濬見前

尹直見前

汪諧見前

李東陽見前

董越

陸簡

吳寬

見前

謝遷

于喬浙江餘姚人
乙未進士第一

武衛

廷珍山東沂水人
戊戌庶吉士

張芮

見前

楊時

知休陝西咸寧人
人戊戌庶吉士

毛澄

見前

吳一鵬

南夫直隸長洲人癸丑庶吉士

侍讀

屬官題名

王佐

洪武二十三年
由知縣陞任

張信

浙江定海人洪武甲戌進士第一

唐愚士

名之淳以字行浙江人
陰人儒士洪武戊寅任

王景

景彰浙江松陽人
教官由薦舉

曾日章

直隸吳江人秀才洪武末由知縣陞任

胡靖

後改名廣見前

王灌

永樂初任

黃淮

見前

胡儼

若思江西南昌人貢士召試永樂初任終國子祭酒

周述

崇述江西吉水人永樂甲申進士第二永樂中兼左庶子

曾鶴齡

見前

李時勉

見前

苗衷

見前

馬愉

見前

彭時

見前

孫曰恭

江西豐城人永樂甲辰進士第三

林環

崇璧福建莆田人永樂丙戌進士第一

尹鳳岐

江西吉水人永樂戊戌庶吉士

陳詢

見前

習嘉言

名論以字行江西新喻人永樂戊戌庶吉士終詹事

江淵

見前

劉珝

見前

李本立

之四川富順人戊辰庶吉士

彭華

見前

劉吉

見前

陳鑑

見前

周叙

功叙江西吉水人永樂戊戌庶吉士

錢習禮

見前

孫賢

晉鄉河南杞人景泰甲戌進士
第一景泰中任終太常少卿

尹直

見前

丘濬

見前

陸簡

見前

董越

見前

吳寬

見前

謝遷

見前

曾彥

士美江西泰和人成化戊戌進士第一

楊守阤

惟立浙江鄞人成化戊戌進士第一

楊廷和

見前

劉機

見前

江瀾

見前

白鍼

見前

毛紀

見前

羅玘

景鳴江西南城人丁未庶吉士

傅珪 邦瑞直隸清苑人

丁未庶吉士

徐穆 見前

翟鑾

仲鳴山東諸城人乙丑庶吉士

徐縉

子容直隸吳縣人乙丑庶吉士

朱希周 見前

侍講

戴彞

德彝浙江奉化人洪武甲戌進士第二終左拾遺

方希直

浙江寧海人洪武末由薦舉任終文學博士

樓璉

士連浙江金華人洪武末任

楊士奇

見前

金幼孜 見前

王進

汝嘉直隸長洲人由薦舉永樂初任

王洪

希範浙江錢塘人進士永樂中由修撰陞禮部主事

陳循

見前

曹鼐

見前

胡儼

見前

陳敬宗

光世浙江慈谿人永樂甲申庶吉士終國子祭酒

鄒緝

江西吉水人由明經永樂中任終左庶子

羅汝猷

名肅江西吉水人永樂甲申庶吉士洪熙初降御史終侍郎

余學夔

一夔江西泰和人永樂甲申庶吉士

劉永清

正統中任陞廣東左布政使

劉球

求樂江西安福人永樂
辛丑進士主事改任

儀銘

克新智之子儒士
正統中任改郎府

藺從善

見前

諸懋

直隸丹陽人進士吏科給事
中宣德中升任終戶部尚書

邢寬

見前

洪璵

浙江淳安人進士刑部主事
宣德中升任終吏部尚書

陳叔剛

福建閩縣人辛丑
進士主事改任

陳全

福建長樂人永樂
丙戌進士第二

杜寧

宗謐浙江天台人宣
德丁未進士第二

王一寧

見前

高穀

見前

胡穜

永齊廣之子以任子正統中陞任

陳用

時顯福建莆田人永樂辛卯吉士

孫曰恭

見前

劉鉉

見前

謝璉

重器福建龍溪人宣德丁未進士第二終禮部侍郎

徐珵

更名有貞見前

蔣驥

見前

萬安

見前

江朝宗

見前

李泰

見前

李永通

貫道四川長寧人天順庚辰進士第二

楊守陳

見前

徐瓊

時庸江西金谿人天順丁丑進士第二

陳秉中

宗堯浙江烏程人天順丁丑進士第三

彭教

數五江西吉安人天順甲申進士第一

程敏政

見前

焦芳

見前

陳音

師名福建莆田人天順甲申庶吉士

董越

見前

謝鐸

鳴治浙江黃巖人天順甲申庶吉士

尹龍

號臣山東歷城人成化己丑庶吉士

王鑑

世賞江西廬陵人成化乙未進士終廣西叅政

董越

見前

劉戩

景元江西安福人成化乙未進士第二

王鑑

見前

楊傑

廷俊山西平定州人成化戊戌庶吉士

梁儲

見前

劉忠

見前

張芮

見前

張天瑞
天祥山東清平人成化辛丑進士第三

武衛
見前

張潔
仲湜廣西平南人成化戊戌庶吉士

鄧煥
廷耀福建閩人成化戊戌庶吉士

黃珣
廷璽浙江餘姚人成化辛丑進士第二

沈燾
良德直隸長洲人弘治癸丑庶吉士

吳一鵬
見前

豐熙
原學浙江鄞人弘治己未進士第二

顧鼎臣
九和直隸崑山人弘治乙丑進士第一

趙永
爾錫直隸臨淮人壬戌庶吉士

李時
宗易直隸任丘人壬戌庶吉士

穆孔暉
伯潛山東堂邑人乙丑庶吉士

五經博士

馮巨江

陝西蒲城人由薦舉

王汝玉

名璲以字行直隸長洲人永樂初由薦舉任

王進

名進字汝器汝玉之弟後更名永樂中任由訓導

陳繼

嗣初直隸吳縣人由薦舉

洪熙初任國子博士改任

張伯穎

金玉鉉

潘宸

時用浙江松陽人薦舉弘治初任終太常卿

典籍

吳伯宗

名同以字行江西金谿人洪武辛亥進士第一

孫蕡

仲衍廣東南海人洪武庚戌進士左遷蘇州府經歷

聶鉉

江西清江人洪武辛亥進士任致仕復起為會試考官

馬定

洪武中任

張敏行

洪武中任

羅奎

王偁

孟陽福建永福人國子生永樂中任遷檢討

劉中質

江西分宜人儒士任訓導洪武中任終禮部尚書

陳壽

梁時

戴安

鄭叔美

金實

用誠浙江開化人儒士永樂初任

李錫

王汝玉

永樂七年以右贊

高廷禮

名捷以字行福建長
善兼檢討降任

樂人儒士永樂中任

王恭

福建閩人儒士永樂中任

藍勗

周翰

維翰浙江鄞人貢士永樂丙戌副榜覆試第一終檢討

牛麟

張禮

沈度

潘畿

黃約仲

名守以字行福建莆田人

徐佖

彦容直隸興化人丁酉貢士天順元年充會試同考

吳孜

侍書

楊崧

聾同文

江西臨川人進士洪武任壬午六月卒

宋憚

濂之孫

黃淮

見前

芮善

劉彥銘

鄒進

吳均

唐恕

吳沈

濟仲浙江東陽人薦舉洪武中任

蘇伯厚

蔣暉

浙江錢塘人薦舉宣德中以禮部郎中兼仕

程南雲

江西
城人

李宜

陞廣東
僉事

朱銓

吳勝

鮑麟

張翰仍掌孔
目事

待詔

朱善

備萬江西豐城人教官洪武八年
年召試第一授修撰後謫任

孫作

大雅直隸江陰人儒士洪武中任

陳中復

應天江寧人薦舉洪武中任

沈士榮

福建人洪武中由儒士任

孔希信

解縉

見前

高廷禮

見前

魯瑄

鄭禮

解榮

劉宗平

江西吉安人儒士永樂初任終檢討

趙琬

直隸武進人舉人永樂中任終右諭德

滕用亨 王延齡 鄭循 潘辰

文徵明

史官題名

修撰

朱夢炎

仲雅江西進賢人儒士
洪武初任終禮部尚書

王僕

河南祥符人元助教
洪武初任兼編修

李叔元

孔克表

浙江東陽人孔子五十五世孫由薦舉洪武初任

鮑頫

直隸休寧人儒士
洪武初任兼編修

趙新

浙江樂清人儒士訓導洪武中由布政使改任

朱善

見前

答祿與權

河南永寧人仕元洪武中任終僉事

申屠衡

直隸長洲人明經洪武初嘗草諭蜀書

丁顯

彥暉福建建陽人洪武乙丑進士第一

任亨泰

湖廣襄陽人洪武戊辰進士第一

許觀

瀾伯直隸貴池人洪武進士第
一累官尚寶卿終禮部侍郎

練安

子寧江西新淦人洪武乙丑進士第二終御史府御史大夫

黃湜

子澄江西宜春人洪武乙丑進士第三終太常寺卿

張信

見前

陳安

福建福州人洪武丁丑進士第一

韓克忠

山東武城人洪武丁丑覆試進士第一終按察僉事

王叔英

元采浙江黃巖人教官洪武末任死節

胡靖

見前

王良

欽止江西吉水人庚辰進士第一

李貫

江西吉水人庚辰進士第三

錢仲益

名允升以字行直隸無錫人由薦舉永樂初任

徐旭

孟昭江西樂平人洪武乙丑進士國子祭酒坐事改任

楊觀

梁潛

用之江西泰和人儒士永樂中任兼贊善

王褒

福建閩人薦舉永樂中任

沈粲

民望直隸華亭人度之弟由楷書

王英

見前

彭汝器

王直

見前

羅汝猷

見前

余鼎

正安江
西星子人
永樂甲申庶
吉士

林環

見前

張珙

宗海直
隸常熟人
樂中由
靖江府教
授陞任

張伯穎

見前

馬鐸

彥聲福
建長樂人
樂壬辰進
士第一

蕭時中

名可以
字行江西
吉安人
永樂辛卯進
士第一

劉翀

桂中儒

浙江慈
谿人

連景賢

福建人

劉麟應

江西安
福人永
樂乙未庶
吉士

陳循

見前

李騏

彥良福
建長樂人
永樂戊戌進
士第一

曾鶴齡

見前

劉永清

見前

姜洪

啓

洪

江西

臨川人

馬愉

見前

林震

敷聲

福建

長樂人

宣

德

庚戌

進士

第一

曹鼐

見前

楊壽夫

福建

建安

儲懋

見前

邵宏譽

浙江餘姚人

終按察副使

周旋

中規

浙江

永嘉人

正統丙

辰進士

第一

終春坊

庶子

施槃

宗銘

直隸

吳縣人

正

丙辰

進士

第一

王鉅

孟堅

浙江

諸暨人

永樂壬

辰進士

第三

終提學僉事

苗襄

見前

李紹

見前

蔣禮

胡禮

劉儼

見前

商輅

見前

彭時

見前

孫賢

見前

柯潛

後陞尚寶司卿

陳鑑

見前

岳正

季芳順天鄉人正統戊辰進士第二

耿裕

好問河南盧氏人景泰甲戌庶吉士給事中陞

鄭環

瑤夫浙江仁和人天順庚戌進士第一

黎淳

太樸湖廣華容人天順丁丑進士第一

劉吉

見前

劉健

見前

汪諧

見前

王獻

見前

童緣

大章浙江錢塘人辛未庶吉士

邢讓

遜之山西襄陵人戊辰庶吉士

曹恩

彭教
見前

王一夔
復姓謝
見前

吳鉞

鼎儀直隸太倉人天順甲
申進士第二後復姓陸

羅景

明仲江西安和人天順甲
申進士第三終國子祭酒

羅倫

應魁江西永豐人成化丙戌
進士第一降提舉復改任

張昇

啓昭江西南城人成化己
丑進士第一終禮部尚書

吳寬

見前

謝遷

見前

曾彥

見前

王華

德輝浙江餘姚人成化辛丑
進士第一終南吏部尚書

李旻

子陽浙江仁和人成化甲
辰進士第一終太常卿

費宏

子充江西鉛山人成化丁未進士第一

錢福

與謙直隸華亭人弘治庚戌進士第一

涂瑞

邦祥廣東番禺人成化丁未進士第三

毛澄

見前

朱希周

見前

倫文叙

伯疇廣東南海人弘治己未進士第一終右諭德

康海

德涵陝西武功人成進士第一以事除籍

顧鼎臣

見前

呂柟

仲木陝西高陵人正德戊辰進士第一

楊慎

用修四川新都人正德辛未進士第一

唐韋

守之直隸歙人正德甲戌進士第一

張衍慶

仲承河南汲人正德辛未庶吉士

舒芬

國裳江西進賢人正德丁丑進士第一

楊維聰

達夫順天固安人正德辛巳進士第一

編修

羅復仁

江西吉水人。薦舉洪武初任終弘文館學士。

宋濂

見前

朱右

張仲藻

張宣

王禕

子充浙江義烏儒士。洪武初以待制兼任

迮原霖

唐肅

陳迪

王廉

蔡玄

蔣敬

廖賜

江西吉安人。

吳沈

見前

朱廉

趙壩

謝肅

浙江上虞人。明經洪武中任

陳敬

河南人儒士洪武中任終吏部侍郎

張唯

河南南陽人貢士洪武中任終參政

張美和

名九韶江人明經以字行洪武中任

王璉

宗器士洪武中任終山東長山人貢

李端

洪武中任御史

張翀

王懌

洪武中任終御史

張鳳

洪武中任終御史

任敬

洪武中任終御史

馬亮

吳公願

洪武中任終御史

桑慎

洪武中任終御史

陳晟

洪武中任終御史

吳昇

朱孟辨

洪武中任終御史

徐尊生

洪武中任終御史

高啓

洪武中任終御史

季迪直隸吳人薦舉洪武中任陞戶部侍郎

周孟東

洪武中任終御史

傅藻

洪武中任終御史

浙江義烏人儒士洪武中任陞戶部侍郎

王蘆

江西鄱陽人明經舉訓導洪武中任

馬京

陝西武功人洪武乙丑進士陞禮部侍郎

齊麟

山西五臺人洪武乙丑進士禮部侍郎

徐永達

河南歸德人貢士洪武末任中允終按察使

葉砥

履道浙江上虞人洪武庚戌進士終知府

唐震

士亨福建侯官人洪武戊辰進士第二

盧原質

希魯浙江寧海人洪武辰進士第三終太常少卿

張顯宗

福建寧化人洪武辛未進士第二終布政司使

吳言信

福建邵武人洪武辛未進士第三

戴彝

見前

景清

陝西真寧人洪武甲戌進士第二終都御史

尹昌隆

彥謙江西泰和人洪武丁丑進士第二終春坊中允

劉謗 蹇臣浙江山陰人洪武丁丑進士第三一作葉宗可寧波人

王恕 山東長清人洪武丁丑覆試進士第二

焦勝 洪武丁丑覆試進士第三

高巽 志見前

吳溥

江西臨川人庚辰進士終國子司業

楊溥 見前

劉現

庚辰進士

楊子榮

更名榮見前

鄭好義

鄒進

江西萬安人洪武丁丑進士

永樂初任

朱紘

始名塔更名江西人庚辰進士給事中永樂初任

王進

見前

楊士奇

見前

歐陽謙

湖廣沔陽州人明經任御史永樂中任終吏部侍郎

王達

見前

陳完

仲完福建長樂人教官永樂初任終左贊善

董琰

陸是瞻

黃淮

由侍書改中書

舍人餘見前

楊敬

周述

周孟簡

江西吉水人永樂甲申進士第三終長史

陳全

劉素

貞白江西永豐人永樂丙戌進士第三

苗揚

永樂辛卯進士第三

林誌

尚默福建閩人永樂壬辰進士第二終左諭德

王鈺

見前

李貞

永樂乙未進士第二終教授

陳景著

福建閩人永樂乙未進士第三終教授

王雅

格非江西吉安人教官永樂末由檢討陞

曹義

應天句容人永樂乙未庶吉士終南吏部尚書

劉江

朝宗江西人永樂戊戌進士第一

鄧珍

永樂戊戌進士第二

周叙

功叙江西吉水人永樂戊戌庶吉士終南京侍講學士

習嘉言

見前

董麟

直隸人永樂戊戌庶吉士

尹鳳岐

前江西安福人永樂戊戌庶吉士

陳珣

見前

楊珙

直隸人永樂戊戌庶吉士

彭珫

江西安福人永樂戊戌庶吉士

劉永清

見前

劉矩

直隸開州人永樂辛丑進士第二

裴綸

順景寧湖廣監利人永樂辛丑進士第三終右布政使

梁禋

順天宛平人永樂甲辰進士第二

孫曰恭見前

龔鈞

良器福建人宣德庚戌進士第二

謝璉見前

杜寧見前

林文

見前終學士

趙恢

汝洪福建連江人宣德癸丑進士第二

鍾復

宏彰江
德癸丑進士第
三

蕭鑑

見
前

薩琦

廷珪
吉士終福建閩人宣德庚戌庶

吳節

見
前

賴世隆

德受福建清流人

徐理

見
前

陳文

見
前

林補

仲輔浙江永嘉人
宣德癸丑庶吉士

劉定之

見
前

倪謙

見
前

楊鼎

宗器陝西咸寧人正統己未進士第二終戶部尚書

呂原

見
前

黃諫

見
前

周洪謨

見
前

劉俊

世英陝西寶雞人正統乙丑進士第三

陳鑑

見
前

岳正

萬安

李奉

劉吉

劉珝

劉昇

王僕

吳滙

周輿

戚瀾

劉宣

楊守陳

王獻

童緣

徐溥

徐鑄

丘濬

彭華

尹直

李永通

鄭環

張元禎

汪諧

劉健

吳鉞

羅環

李東陽

倪岳

焦芳

陳音

謝鐸

程敏政

陸簡

林潮

章懋

宋應奎

黃孔昭

李傑

商良臣

丁溥

董越

費闇

尹龍

喬維翰

王臣

劉震

李仁傑

劉翫

王鑒

楊守阤

曾追

梁儲

張潔

楊傑

敖山

劉忠

于材

徐鵬

鄧煥

江瀾

馬廷用

黃珣

張天瑞

白鉞

王敕

劉春

涂瑞

程楷

蔣冕

黃穆

傅珪

華巒

吳儼

蘇葵

羅玘

劉存業

靳貴

徐穆

羅欽順

顧清

沈燾

吳一鵬

汪俊

周玉

黃瀾

王瓊

陳瀾

濮韶

陳霽

葉德

賈詠

豐熙

劉龍

孫清

李廷相

魯鐸

溫仁和

李時

滕霄

何瑭

畢濟川

董玘

謝丕

崔銑

嚴嵩

湛若水

陸深

翟鑾

徐縉

景暘

戴大賓

潘辰

許讚

邵銳

黃芳

劉仁

余本

鄒守益

許成名

劉棟

張璧

應良

尹襄

劉朴

費寀

張潮

王思

孫承恩

劉泉

林文俊

孫紹

黃初

蔡昂

倫以叙

崔桐

汪佃

余承勛

黃易

江暉

劉世盛

葉桂章

葉式

馬汝驥

王三錫

陳沂

鄺灝

陸武

費懋中

孫元

廖道南

江汝璧

童承叙

黃佐

王相

王同祖

王用賓

檢討國子監丞等官及王府長史互兼者俱不書

吳伯宗

茹太素

洪武中任終
戶部尚書

周煥奎

高孟文

吳文

蔡福南

宋琮

江西吉水人
洪武丁丑進士
洪

陳成

陳惟善

浙江山陰人
洪武甲戌進士
行陞禮部郎中

胡儼

金幼孜

見前
鄒緝

王偁

見前
王洪

陳繼

見前

王汝玉

廖敬先

由訓導永樂中任

蕭引高

江西吉水人
永樂中任

王延齡

見前

張伯穎

見前

王雅

見前

楊翥

仲舉直隸吳縣人薦舉洪熙初任終禮部尚書

余學夔

見前

劉永清

蔣驥陞由行人見前錢習禮

陳璲

許彬

周翰

連智

劉宗平

解榮

潘畿

蘇伯厚

陳用

劉麟應

黃壽生

行人福建莆田人辛卯庶吉士

胡讓

王積

直之子嘗掌南京院事

胡穜

康政

中振終提學僉事珣

馬信

周貴

王玉

王振

更名珣

姜洪

見前

李紹

見前

何瑄

益奐四川人

邢讓

見前

李本

見前

張業

振烈

江朝宗

見前

耿裕

見前

馬昇

成化初仍掌孔目事

周經

鄭紀

張頤

傅瀚

張泰

吳希賢

莊景

陳獻章

李昊

劉機

張芮

楊廷和

楊時暢

李遜學

石珪

毛紀

薛格

汪偉

王九思

劉瑞

周禎

鄭端明

段是

穆孔暉

孫紹先

易舒誥

張邦奇 許誥

焦黃中

胡纘宗

金臯 吳惠

郭維藩

王元正

陳寰 張衍慶

邊憲

張星

蕭與成

林時

季方

湯惟學

席春

劉夔

首領官題名

孔目

沈寅

杜謙

劉敷

李萬華

宋敏

馬昇

趙鳴鳳

張憲

南京掌院題名

胡儼

永樂十四年以侍講兼國子祭酒掌院事

陳全

永樂十八年以侍講與編修張伯穎留署始

張伯穎

見上

馬鐸

永樂中以修撰掌院事

陳用

宣德中以侍講署院正統七年卒

周叙

正統十一年任南京侍讀學士景泰二年卒

邢寬

景泰三年任南京侍讀學士五年卒

王積

以南京檢討兼國子監丞代邢寬署院六年卒

周洪謨

天順二年以侍講改南京侍讀八年陞侍讀學士

王僕

成化二年任南京學士三年丁母憂去

陳秉中

成化四年任南京侍讀九年丁母憂去

錢溥

成化九年自閒住起用為南京學士後陞

徐瓊

成化中任南京侍讀學士六年引疾去

吳希賢

成化二十三年任南京侍讀學士弘治二年卒

張元禎

弘治四年任南京侍讀學士八年引疾去

曾彥

弘治七年任南京侍讀學士食正五年品俸十年致仕

馬廷用

弘治十年任南京侍讀學士十五年陞

吳儼

弘治十五年任南京侍讀學士正德元年以纂修改本院

石珪

正德元年任南京侍讀學士四年陞

豐熙

正德四年以右諭德掌院事正德十六年以纂修改北

嚴嵩正德十六年以侍讀掌院事

翰林院官入閣題名

解縉由侍讀入閣辦事

胡廣侍講

楊榮修撰

楊士奇編修

金幼孜檢討

胡儼檢討

以上七人俱洪武三十一年九月任

楊溥太常卿兼學士洪熙元年閏七月任

陳循戶部侍郎兼學士正統十一年二月任

高穀侍講學士

馬愉侍講學士

苗衷侍讀

曹鼐侍講

以上四人俱正統十一年任

商輅編修正統十四年任

彭時編修正統十四年任

江淵

戶部侍郎兼學士景泰元年任

王一寧

禮部侍郎兼學士景泰元年任

蕭鑑

國子祭酒兼學士景泰元年任

王文

景泰元年十月內太子少保兼都察院左都御史入閣辦事四月二日始陞太子太保吏部尚

書兼

學士

徐有貞

天順元年正月由都察院左副都御史兼學士入閣參預機務有貞本名理由侍講陞

薛瑄

天順元年正月由禮部侍郎兼學士任

李賢

天順元年三月由吏部侍郎兼學士任

呂原

通政司叅議兼侍講天順元年六月任

岳正

修撰天順元年六月任

彭時

太常少卿兼侍讀天順元年九月再任

劉定之

太常少卿兼侍講學士

天順

二年十二月任

翰林記卷十七